


宜都縣志

20260.157

38

21-14



同治丙寅年重刊

宜都縣志

板藏清江書院

宜都縣志目錄 本敘止列正目慮煩檢校特著此錄

本敘 右卷首

地理志六

一曰廣輪輿圖 右卷一上

二曰山川 溪洞陂堰隄防附

三曰形勢

四曰沿革 藩封附

五曰古蹟 古墓義塚古碑坊表古器附

六曰物產 右卷一下

營建志八

宜都縣志 **卷一 目錄**

一曰城池

二曰官署

三曰倉儲 社倉養濟院同善堂附

四曰驛傳 塘汎附

五曰市肆 保甲附

六曰津梁

七曰壇廟

八曰試院書院 賓興館義學附

政教志十

一曰戶口

二曰田賦 屯田學田書院田同善堂田附

三曰關權 雜稅牙帖附

四曰學校

五曰選舉 雜進附  
右卷三上

六曰職官題名

七曰職官治績

八曰兵制 器仗附

九曰祀禮

十曰風俗 右卷三下

人物志八

宜都縣志 **卷一 目錄**

一曰列傳 鄉耆附

二曰忠義

三曰孝友 五世同堂附  
右卷四上

四曰列女 女壽附  
右卷四中

五曰藝文 前人題詠附

六曰流寓

七曰隱逸

八曰方術

雜記終

後敘 右卷四下舊志二敘附卷末

本敘

龔紹仁曰古者天子諸侯皆有史周禮小史掌邦國之志變文言志豈史外別有所謂志與說者曰志記也記其土地山川風俗物產貢賦之書若今郡國志然與圖相表裏大司徒之職掌建邦土地之圖與其人民之數又曰辨其山林川澤邱陵墳衍原隰之名物又曰各以其土之所宜木遂以名其社與其野然則圖之所繪與志之所列皆從俗蒼類而無所任乎史氏秉筆之文也及考左氏傳所引諸前志古志國志言皆厚重簡嚴具有史筆志豈俗所勝任云乎哉渾渾爾噩噩爾灑灑爾宜都縣志

卷一本敘

三

書之文志之文皆史氏之文也古史尙矣近代史氏祖述憲章惟史記兩漢書三國志而已而稱名異司馬史也有書焉班書也有志焉范從班書亦有志焉陳則本紀列傳詳矣而天文地理禮樂律法五行祭祀溝洫食貨百官輿服無一志者而獨名曰志蓋紀三國君臣大事典章文物則有漢晉史存陳志後若華陽國志大同志括地志元和郡國志司馬光通鑑本曰通志鄭樵通志志之名難更僕數體例亦互異焉

國朝幅員廣大

欽定大清一統志鴻規鉅製彌綸宙合凡禹蹟所未履職方所

聲教覃敷

未隸王會所未圖者莫不奔走來同罔有內外

都縣志康熙三十五年修經今百六十七年無再修者  
比崔侯奉臺檄趣修志邑賢士大夫踴躍集事屬余秉  
筆崔侯去官朱侯至仍屬余辭不獲命敬告侯與賢士  
大夫曰志史文也事理任之文譬乘材任之車也車圓  
者中規方者中萬立者中縣衡者中水輪欲其幘爾而  
下迤也欲其微至也輻欲其掣爾而織也欲其肉稱也  
轂欲其眼也欲其幬之廉也綆欲其蚤之正也一者以  
爲媾也二者以爲久也三者以爲利也車若此良夫然

宜都縣志

卷一 本敘

四

後可以任重致千里萬里也車不若此良輪不下迤不  
微至也輻不掣爾不肉稱也轂不眼幬不廉也綆蚤不  
正也又轅直且無橈也其登又難旣克其登不伏其轆  
必縊其牛其車之覆且敗也必易烏能任重致千里萬  
里哉侯與賢士大夫欲以志任縣事余懼余車之不良  
而覆且敗也無已則慎之又慎守考工之法而攻余車  
焉圓者守規方者守萬立者守縣衡者守水車小任輕  
致百里九十里乎未也何敢望千里萬里哉侯與賢士  
大夫皆笑曰諾爰絜綱四曰地理曰營建曰政教曰人  
物雜記終焉其地理則守以圖知廣輪之數之法圖十

有七若夫史氏之文大車之任余固無能爲役也其敘  
曰

十二分野始於何年歷史聚訟每變益紛蕞爾縣志乃  
亦云云窺之在管叩之在槃不當劍映徒亂見聞擴清  
武庫掃蕩浮雲甘石除舊章亥布新屬我邦彥分地來  
巡厥里步計厥名俗因別糾錯壤連瓜離邊真形各繪  
符八愷元復加夔一繪事以全周知境內近取目前圖  
地用宏烏用談天志地理廣輪輿圖第一

禹力疏鑿萬世永賴邑雖百里橫江兩戒有山夾岸有  
水江會廝無鄭白胡渠灌溉茲列溪堰旱潦爾備曰山

宜都縣志

卷一本敘

五

有材匪私爾利蹊徑秋毫辨厥向背慎勿道聽而登之  
記是跋是涉祖禹貢意志地理山川第二

今天下縣古侯封也何以守之繫地功也地不可恃德  
之憑也地不可忽利之貞也百二十二雄齊羸也其審  
要害其象形也扼吭拊背運掌中也申畫慎固設險重  
也以銷兵氣日月光也以鞏

皇圖緩萬邦也志地理形勢第三

鄭遷曰鄭許遷曰許南北亦燕東西亦楚名實異同焚  
絲之緒廢置靡恒益滋齟齬目眯色變故吾失我侯明  
照鏡侯洞觀火今此宜都縣而郡者夷道兩漢建安置

剖蜀吳立郡史無治所遂使四邑交爭太守形驗諸今  
文稽諸古先郡後縣郡治縣土異同有由名實具舉志  
地理沿革第四

地以人傳蹟以古垂登山臨水慨想龍虵若耕之野若  
釣之谿若教之壇聖哲之規若戰城濮若會葵邱若廣  
武原英雄之謀若風騷往若漢魏來炳靈翰墨文章之  
師若此高躅麟祥鳳威俯仰千古考鏡無譌志地理古  
蹟第五

九土之性各有攸宜穀宜某種木宜某材胎胚者地子  
固母隨如何鸚鵡踰濟不飛如何邱貉踰汶不歸游行

宜都縣志

卷一上 本叙

六

翔集地靡根莖乃同植物莫土性違鱗介之類亦別津  
涯遷地弗良坤元至哉志地理物產第六

匠人所掌國邑是營中五小九邑有常經築斯鑿斯拱  
衛周京豈矜强大漢水方城嚴戰守具遏侵軼兵彈丸  
黑子宗邦仰成斯爲保障營國之良綢繆未雨眾志金  
湯志營建城池第一

惟公曰府儀同開三越庶官寺咸使面南其前聽事其  
屬衙參其旁賓閣其坐其談其後燕寢其奧其深小大  
文武體制無侵奠厥攸居各啟乃心母曰傳舍其念窮  
簷其望

北闕

帝澤之覃涓埃爾報咫尺

天臨志營建官署第二

民爲邦本食爲民天倉庾委積爰逮常平青苗泥古官禮之愆考亭立社儲粟其閒秋收春放寓補助權日有治法貴有治人酌劑盈虛備禦鮮艱靡蠹靡耗亦陳亦新含哺鼓腹共樂

堯年志營建倉儲第三

挺挺周道發發傳車漢法廩廩囊囊赤符一一奔命毋敢徐徐此區區邑郅驛驛巫驛馬駟駟驛舍渠渠朝朝宜都縣志

卷一本敘

七

天門蕩蕩送喜愉愉

聖德流行浩浩來蘇志營建驛傳第四

爲日中市利生民需否則農女各粟布餘周司市職史平準書食貨之政關軍國儲罔貴價踴罔奇貨居百工與一用高曾模蕩淫巧心上其爾誅咨工商賈厥有本圖崇實去僞歸禮義途志營建市肆第五

鄭有國相乘輿濟人孟子曰惠政體難言成枉成梁涉不病民方之舟之利涉大川斷斷洙泗風教攸分仰惟帝力道濟普天志營建津梁第六

古所謂廟序昭穆親南比郊壇以禮地天六宗嶽瀆無廟之云先聖先師以學爲尊廟也肇造曰敬鬼神土木金紫象教實繁遂扇巫風十廟九祇伏讀

功令廟各有倫毋敢僭濫爰靈息民志營建壇廟第七

教士試士道本兼營右室蜀闢鎖院唐興士試於縣昉自前明我

朝因之令長持衡邑有試院大比考成又立講舍濟濟橫

經標若霞建對起赤城

作人化洽騰茂蜚英志營建試院書院第八

民生之瘁苛政之故自漢以來取民無度卒更論錢準

宜都縣志

卷一本敘

八

乎民數曰丁曰黃限年籍附頭會筭斂算及老幼民多官喜民少官怒痛癢無關爲利之寶歷代沿襲隘矣生路維我

皇清天高地厚

聖祖開先

高宗啟後

盛世滋生永不加賦

列聖相承篤民之顧視之如傷綏之在宥民被春風民飲甘露

休民息民既安且壽生齒日繁保民之富

軫卹栽培亘古罕邁

天子萬年洪延

寶祚志政教戶口第一

邑不轉漕本無弊蠹爾農力田履地忘厚自來病農莫如軍務累爾一年豫索兩賦欽惟

文宗聖武昭布潢池盜弄

帝初臨御司農工言邊糈何措

帝許權宜均筦之具毋擾我農賦仍其舊舊賦本薄

宗

祖恩濩

宏濟艱難億倍用度復減漕直醪挹農注圖匱

宜都縣志

卷一

本教

九

施仁迥乎異數

繼述單心本根彌固

佑啟我

皇淨掃氛霧爾農歌舞降康順助

昇平永慶

教之富庶志政教田賦第二

舟車緡算其來已久貨於何權富商大賈取彼有餘國云小補凡百執事毋蹏行旅毋扼困窮仰體

聖主法外之仁尙其謹守志政教關權第三

三代共學化成天下孔子設科靡有偏頗本之德行文

之爾雅所謂成人粹然儒者經權常變無施不可或出  
或處光於朝野方今

聖作需才大夏杞梓棟楠磔磔碩碩楨幹

皇居用閒兩社實學是求虛聲莫假志政教學校第四

興賢興能周制鄉里九品中正古風微矣唐設科名鄉  
貢進士今之舉貢限制明始取士之法殊途同軌自策  
賢良賈董崛起洎乎禮闈亦有奇偉得人之盛

聖清全美志政教選舉第五

陳殷置輔厥有定位後代序紊冗散雜綴

本朝釐剔正定官制有若一縣一知縣事大 丞簿小縣

宜都縣志

卷一 本敘

十

一尉士屬師儒軍屬營衛分職授官秩然班次名氏年  
表題援此例志政教職官題名第六

名官之稱卽古循吏吳公守洛治平尤異有朱司農戀  
桐鄉地官無大小畫厥民事利爲民興除民之害父公  
母兮飲食教誨遺愛在民思之百世彼袞袞者民何從  
記志政教職官治績第七

天下之大需兵如許經費有常日籌兵精寓兵於農開  
阡變古漢魏屯田兵猶履畝折衝果毅唐兵歸府古意  
之存屯府之取柰何曠騎仰食天庾一爲介士不耐農  
苦飽則橫行飢則噪鼓藉曰去兵罔以禦侮古不可復

今求善處沙汰羸卒訓練勁旅兵不虛糜奪我

皇武志政教兵制第八

在祀與戎國之大事崇德報功祭法明備自感封禪日  
煩禱媚福罔克降適階之厲惟

聖知聖秩神舜制

頒行祀典準古隆殺志政教祀禮第九

上教曰風下化曰俗風偃厥草風聲厥本嘉樹嘉禾秀  
實具足邑處西垂介乎楚蜀由儉入奢文繁節縟教化  
之任在爲民牧裁之以義示之以樸興其禮讓返諸渾  
穆同我

宜都縣志

卷一本敘

十一

皇風

堯民比屋志政教風俗第十

發明功名乃有紀錄漢相之尊備位媿媿史記屏之止  
存名目可傳者傳傳體以肅揚天抑地魏收之辱縣志  
小哉史氏之屬一字榮袞敢累簡牘景行龍門信史式  
篤志人物列傳第一

古稱忠良曾無分屬後代勤事殉忠此獨曰義人也二  
子孤竹義通上下逮乎臧穀斟酌其閒是用著錄志人  
物忠義第二

天性之愛自然具足性有不齊若生使獨至孝巨孝傳

其芳躅誰非人子歡無水菽皆有兄弟閱牆倫躅試披  
青簡迷其庶覺志人物孝友第三

女史之箴書之彤管聖教之原王化之本惜哉縣志修  
之太晚百六七年湮代迴徵文攷獻老成謝盡如問  
桃源不知漢鼎何論魏晉其蹟遂泯茲著錄者僅存概  
梗幽芳寂寂可爲涕潛留心世道賢豪共勉隨時采掇  
續登之簡志人物列女第四

藝文書目文選篇章人存不錄論定九京乃有班氏不  
如昭明不選不史存者畢登史法埽地選用不臧守書  
目例於古有光志人物藝文第五

宜都縣志

卷一上 本叙

三

他鄉異縣往而不返是曰僑寄隨時流轉人也名立晉  
材楚產與有榮施邑里之幸志人物流寓第六

史列隱逸以戒躁進作者七人無名無姓志人物隱逸  
第七

雖曰小道必有可觀若仙釋類其然豈然志人物方術  
第八

眾目張矣各有綱系兵燬之來非尋常事災祥之降其  
事亦異以外瑣言亦不可廢三者合一史無此例爰放  
戴禮歸於雜記志雜記終

本叙訖

宜都縣志卷一上

地理廣輪輿圖第一

縣在

京師南三千三百四十里

在司治西九百里水程一千三百五十里

在府治西南一百八十里水程二百七十里

縣跨江治南岸其境內鄉保分隸處曰鋪江南七鋪江

北九鋪

由縣治東過大江至青莊鋪之滄茫谿五十里訖與枝

江縣之楊林子界

宜都縣志

卷一上 地理廣輪輿圖 三

西至紅花鋪之石柱山五十里訖與長陽縣之甘蔗谿  
交界

南至橫磧下鋪之誥賜山九十里訖與松滋縣之劉家  
場交界

北渡大江至安福鋪之黑土坡八十里訖與當陽縣之  
尖總交界

東南過大江至青泥鋪之堆窩灘五十里訖與對江枝  
江縣之洋谿交界

西北渡清江至紅花鋪之小仙人橋四十五里訖與東  
湖縣之烏石鋪交界

東北渡大江至泰山鋪之白露腦四十五里訖與枝江縣之棠棣樹交界

西南至橫積中鋪之大風口九十里訖與長樂縣之觀音壩交界

縣東至西一百里

南至北一百七十里

東南至西北九十五里

東北至西南一百三十里

縣周迴七百六十里形東西短南北長

今繪縣圖一鋪圖十六列於左方

宜都縣志

卷一上

地理廣輪輿圖

# 宜都縣志

宜都縣志

卷一 上 宜都縣圖

五

每格方二十里

西

